

## Hysbysiad Preifatrwydd

### Sut yr ydym yn prosesu'ch data personol at ddibenion caffael gwasanaethau gan gyflenwyr

#### Pwy ydym ni

Sefydlwyd Swyddfa Annibynnol Ymddygiad yr Heddlu ("IOPC") i oruchwylio system cwynion yr heddlu yng Nghymru a Lloegr a chynnal hyder y cyhoedd ynddi. Amlinellir ein pwerau a'n dyletswyddau yn bennaf yn Neddf Diwygio'r Heddlu 2002 ("PRA") a rheoliadau cysylltiedig. Er mwyn bodloni ein cylch gwaith statudol rydym yn cynnal ymchwiliadau annibynnol i gamymddygiad honedig a marwolaethau neu anafiadau difrifol yn dilyn cyswllt â'r heddlu. Rydym hefyd yn pennu apeliadau o ymchwiliadau heddlu lleol i gŵyn. Rydym yn defnyddio dysg o'n gwaith i ddylanwadu ar newidiadau wrth blismona gyda'r bwriad o hyrwyddo arfer gorau. Gwnawn hyn trwy wneud datganiadau cyhoeddus, gwaith allgymorth gyda rhanddeiliaid, gwneud argymhellion sefydliadol, cynnal ymchwil, dadansoddiad a choladu ystadegau er mwyn cynhyrchu a chyhoeddi adroddiadau â thema.

Am wybodaeth bellach ar yr hyn yr ydym yn ei wneud, ewch [i'n gwefan](#).

#### Pam ein bod ni'n prosesu gwybodaeth amdanoch chi

Mae'r IOPC yn casglu, yn prosesu ac yn rhannu gwybodaeth bersonol er mwyn ymgymryd â'i swyddogaethau statudol. Fel cynrychiolydd darpar gyflenwr neu gyflenwr nwyddau a / neu wasanaethau i'r IOPC, rydym yn prosesu gwybodaeth bersonol amdanoch chi. Mae hyn yn golygu'ch bod chi'n "destun data."

Defnyddiwn eich data personol i gyfathrebu gyda chi a'ch sefydliad. Rydym yn casglu ac yn cadw data personol os yw'ch sefydliad yn rhoi nwyddau a / neu wasanaethau i ni o dan drefniant cytundebol. Byddwn hefyd yn prosesu eich data personol er mwyn hwyluso a phrosesu cwyn a wnewch neu adborth gennych ynghylch y cyswllt a gawsoch gyda ni. Defnyddiwn eich data personol yn ôl yr angen er mwyn bodloni ein rhwymedigaethau cytundebol ac unrhyw rwymedigaethau cyfreithiol a allai fod gennym. Byddwn hefyd yn rhannu'r data hwn gyda thrydydd partion yn ôl yr angen (gweler adran "Gyda phwy yr ydym yn rhannu'ch data" isod).

#### Math o wybodaeth bersonol yr ydym yn ei chasglu a'i phrosesu

##### Data personol

Cyfeiria data personol at unrhyw wybodaeth y gellir adnabod unigolyn byw wrtho. Gall y dull adnabod fod trwy wybodaeth yn unig neu ar y cyd â gwybodaeth arall.

Gallai'r data personol yr ydym yn ei gasglu amdanoch chi gynnwys, ond heb ei gyfyngu i: enw,

manyllion cyswllt eraill (e.e. e-bost a rhifau ffôn gwaith), rhyw, cyflogwr, teitl swydd, eich manyllion cofrestru car a delweddau ohonoch chi (gan gynnwys ffotograffau a lluniau teledu cylch cyfyng) os ydych chi wedi ymweld â'n safle.

## **Ein sylfaen gyfreithiol dros brosesu'ch data**

Rydym yn prosesu'ch data personol os:

- ydym yn cyfathrebu gyda chi gyda'r bwriad o fynd i drefniant cytundebol
- yw'n angenrheidiol gwneud hynny er mwyn cynnal cytundeb
- oes gan IOPC fudd cyfreithlon i ddiogelu diogelwch ei safle a'r wybodaeth a gedwir o'i fewn
- oes gennym rwymedigaeth gyfreithiol i wneud hynny

## **Gyda phwy yr ydym yn rhannu'ch data**

Mae gofyn i ni rannu'ch data gyda thrydydd partion os oes gennym rwymedigaeth gyfreithiol i wneud hynny. Rydym hefyd yn rhannu gwybodaeth gyda chyrrff cyhoeddus eraill ac adrannau llywodraeth er mwyn hwyluso defnyddio eu swyddogaethau statudol neu gyhoeddus eraill. Y categorïau o unigolion yr ydym yn rhannu'ch data personol â hwy yw:

- ein gweithwyr
- contractwyr a darparwyr gwasanaeth eraill
- banciau a sefydliadau ariannol eraill
- llysoedd a thribiwnlysoedd
- cyrrff llywodraeth
- rheolyddion
- Swyddfa'r Comisiynydd Gwybodaeth
- CThEM ac adrannau llywodraeth eraill
- cyrrff cyhoeddus

## **Am ba mor hir y byddwn yn cadw'ch data**

Mae gennym amserlen cadw a gwaredu, sy'n rhestru'r data yr ydym yn ei gadw amdanoch chi ac am ba mor hir ydym yn ei gadw. I weld am ba mor hir yr ydym yn cadw'ch data gweler ein Hatodlenni Cadw a Gwaredu [Corfforaethol](#) a [Gweithredol](#).

## **Eich hawliau mewn perthynas â'r data yr ydym yn ei gadw**

Mae deddfwriaeth diogelu data yn rhoi nifer o hawliau i chi yn ymwneud â'ch data personol. Mae'r hawliau hyn yn amodol ar rai eithriadau penodol. Gallai'ch hawliau gynnwys:

- yr hawl i gael mynediad at eich data
- yr hawl i gael eich data wedi'i gywiro os yw'n anghywir neu'n anghyflawn
- yr hawl i geisio cyfyngiadau i brosesu'ch data
- yr hawl i wrthwynebu i'ch data gael ei brosesu
- yr hawl i gael eich data wedi'i ddileu
- yr hawl i gael eich hysbysu am sut y mae'ch data yn cael ei brosesu
- hawliau yn ymwneud â phenderfyniadau wedi'u hawtomeiddio a chlodadwyedd data

Er mwyn deall mwy am yr hawliau hyn a sut i'w defnyddio, gweler ein gwefan.

Dylech ein hysbysu ni o unrhyw newidiadau i'ch gwybodaeth er mwyn i ni allu bod yn hyderus bod y data yr ydym yn ei gadw amdanoch chi yn gywir.

## **Penderfyniadau wedi'u hawtomeiddio**

Ar hyn o bryd, nid yw IOPC yn ymgymryd ag unrhyw benderfyniadau wedi'u hawtomeiddio yn ymwneud â'ch data personol.

## **Ein Rheolydd Data a Swyddog Diogelu Data**

Ein rheolydd data yw'r Cyfarwyddwr Cyffredinol. Y rheolydd data sydd â'r rheolaeth gyffredinol dros ddiben a'r modd yr ydym yn casglu a phrosesu data personol.

Mae gan yr IOPC Swyddog Diogelu Data dynodedig a Thîm Rhyddid Gwybodaeth a Diogelu Data. Os oes gennych unrhyw ymholiadau neu bryderon am ddefnyddio'ch hawliau data neu'r ffordd yr ydym yn casglu, yn trin neu'n prosesu'ch data, cysylltwch â'r tîm naill ai trwy'r [dudalen cysylltu â niar ein gwefan](#) neu trwy anfon e-bost at [dpo1@policeconduct.gov.uk](mailto:dpo1@policeconduct.gov.uk)

Fel arall gallwch gysylltu â'n switsfwrdd ar 0300 020 0096 rhwng 9am a 5pm, Dydd Llun i Ddydd Gwener.

## **Eich hawl i gwyno wrth y Comisiynydd Gwybodaeth**

Os ydych chi'n anfodlon ag unrhyw agwedd o'r ffordd yr ydym wedi prosesu'ch data personol, mae gennych yr hawl i gwyno wrth Swyddfa'r Comisiynydd Gwybodaeth:

Wycliffe House, Water Lane, Wilmslow, Swydd Gaer, SK9 5AF

[www.ico.org.uk](http://www.ico.org.uk)

Ffôn: 0303 123 1113

[casework@ico.org.uk](mailto:casework@ico.org.uk)

## **Adborth neu gwynion am ein gwasanaeth neu staff**

Os dymunwch chi roi adborth neu gwyno am ein gwasanaeth neu staff, cysylltwch â'n Huned Ymchwilio Mewnol naill ai trwy [dudalen cysylltwch â ni ein gwefan](#) neu drwy anfon e-bost at [IIU@policeconduct.gov.uk](mailto:IIU@policeconduct.gov.uk).

Fel arall gallwch gysylltu â'n switsfwrdd ar 0300 020 0096 rhwng 9am a 5pm, Dydd Llun i Ddydd Gwener neu adael neges unrhyw bryd ar 0207 166 3261.

## **Adolygu'r hysbysiad hwn**

Bydd yr hysbysiad hwn yn cael ei adolygu'n rheolaidd ac fe allai gael ei ddiwygio. Ymwelwch â'n gwefan yma i wirio am unrhyw ddiweddariadau.

